



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiārvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Distinct. XXIV.

urn:nbn:de:hbz:466:1-38829

quadam interiori aspiratione, qua Dei præsentia contemplabatur: non tamen ita excellenter, sicut post hanc vitam sancti visuri sunt, neque ita in animo qualiter in hac vita videmus.

De cognitione sui.

E

Porro sui cognitionem idem homo talem accepisse videtur, ut & quid deberet superiori, & quid æquali, & inferiori non ignoraret. Conditionem quoq; suam & ordinem, scilicet qualis facta esset, & qualiter incedere deberet, quid agere, quid cauere, intellexit. Si horum notitiam non habuisset, non esset reus prævaricationis, neq; seipsum cognouisset.

Vtrum homo præcius fuerit eorum quæ sibi futura erant.

F

Si autem queritur, Verum homo scientiam habuerit eorum quæ circa eum futura erant, id est, si ruinam suam præsciuerit: & similiter præscierit bona quæ habiturus fuisset, si in obedientia persistisset? Responderi potest, q; ei magis facienda indicata sunt, quæ futura reuelata. Accepit n. scientiam & preceptum eorum quæ facienda fuerant, sed non habuit præscientiam eorum quæ futura erant, non fuit ergo homo præcius sui casus, sicut & de angelo diximus. Quod Aug. super Gen. afferit, ratione vertens quæ supra posuimus, Hæc de scientia hominis quatum ad primū statū pertinet, dixisse sufficiat.

DE GRATIA HOMINIS, ET DE POTENTIA ANTE CASUM.

DISTINCT. XXIV.

A

De adiutorio per quod homo ante lapsum sapientiū repotuit. scilicet de libero arbitrio in quantum

Nunc diligenter inuestigari oportet, quam gratiā vel potentiam habuerit homo ante casum: & vtrum per eam potuerit stare vel non. Scindendum est ergo, quod homini in creatione (sicut de angelis diximus) datum est per gratiā auxiliū, & collata est potentia per quā poterat stare, id

id est, non declinare ab eo quod acceperat : sed non poterat proficere in tantum , ut per gratiam ^{tū ad alias} creationis sine alia mereri salutem valeret. Poterat quidem per illud auxilium gratiæ creationis paratur. resistere malo , sed non perficere bonum. Poterat tamen per illud bene viuere quodammodo, quia poterat viuere sine peccato : sed non poterat sine alio gratiæ adiutorio spiritualiter viuere quovitā mereretur eternā. Vnde Au. in ench. Si factus est homo ^{Aug. in EH-} & manere in ea rectitudine posset, nō chiridio, 10. sine diuino adiutorio, & suo fieri peruersus arbitrio: utrumlibet horum elegisset, Dei voluntas sie- ^{ad medium.}
ret vel ab illo, vel de illo. Et quia suam maluit fa- ^{Idem habe-}
cere voluntatem, quam Dei, de illo facta est volū- ^{tur in to. 7.}
tas Dei. Item in eodē, Sic hominem prius oportebat fieri , ut & bene posset velle, & male. Nec fru- ^{li. de corre-}
stra, si bene : nec impune, si male. Idē quoq; in l. de e. 105. in ^{ctione &}
correctione & gratia ait, Si hoc adiutorium vel prin. & cap. Angelo vel homini cū primū facti sūt defuisse, ^{gratia in} 11. de corre-
quoniā nō talis natura facta erat , ut sine diuino ^{tiue &} auxilio posset manere si vellet : non vtique sua cul gratia. ^{Tomo. 7.}
pa cecidisset: defuisse quippe adiutoriū, sine quo ^{paulo super-}
manere non posset: Idem, Dederat Deus homini ^{rius de cor-}
bonam voluntatem, in illa quippe eum fecerat re- ^{rectione &}
ctum: dederat adiutorium, sine quo non posset in ^{gratia.}
ea manere si vellet , & per quod posset. Ut autem ^{Ibid. paulo} hoc vellet, in eius dimisit arbitrio. In eodem, Accep- ^{inferius.}
perat posse si vellet, sed non habuit velle quo pos-
set, nā si habuisset, perseverasset. His testimonii e
uidēter monstratur, q̄ homo rectitudinē & bonā
voluntatē in creatiōe accepit , & auxiliū quo stare
poterat, alioquin nō sua culpa videretur cecidisse.
Qualis fuerit illa rectitudo , & bonitas voluntatis in qua
creatus est. B

Sed quomodo rectam , & bonam voluntatem
habuit homo, si per eam nec mereri vitam valuit,
nec in ea stare voluit: q̄a nec aliqd mali ea tūc vole-
bas

bat, & ad tempus stare voluit, sed non perseueranter, & ideo recta & bona fuit tunc voluntas hominis.

Opposito contra illud quod dictum, hominem non potuisse proficere.

Ad hoc autem quod diximus, hominem non potuisse proficere vel mereri per gratiam creationis, solet opponi sic. Per illud auxiliū gratiae creationis potuit stare in bono quod acceperat. Potuit ergo resistere tentationi. Sed resistere tentationibus atque suggestionibus malis, meritum est ac bonum remunerabile: Omne autem bonum meritum profectus est. Per gratiam ergo creationis proficere posuit sine adiectione alterius gratiae. Ad quod dicimus, quia resistere malo, & non consentire tentationi, non fecisset illi meritum, etsi non consensisset: quia nihil in eo erat quod ad malum impelleret, sicut angelis qui non ceciderunt non fuerit meritum quod steterunt, id est, quod non corruerunt. Nobis autem meritum est aliquando si malum non facimus: sed resistimus: ibi duntaxat, ubi causa subest, quae nos id facere mouet: quia ex peccati corruptela pronisunt ad lapsum gressus nostri. Vbi autem non interuenit causa nos ad malum impellens, non meremur si ab eo declinamus. Declinare. n. a malo semper vitat poenam, sed non semper meretur palmarum.

De adiutorio homini in creatione dato, quo

stare poterat.

Hic considerandum est, quod fuerit illud adiutorium homini datum in creatione, quo poterat manere si vellet. Illud utique fuit libertas arbitrii ab omni labore & corruptela immunis, atque voluntatis rectitudo, & omnium naturalium potentiarum animae sinceritas atque vivacitas.

De libero arbitrio.

Liberum vero arbitrium est facultas rationis, & voluntatis, qua bonum eligitur gratia assistente, vel

Responso.
Quod resisteremalо aliquando meritum est, aliquando non.

vel malum eadē desistente. Et dicitur liberū, quātum ad voluntatem quæ ad utrumque flecti potest. Arbitrium vero, quantum ad rationem, cuius est facultas vel potentia illa, cuius etiam est discernere inter bonum & malum & aliquando quidē discretionem habens boni & mali, quod malū est eligit, aliquando vero quod bonum est. Sed quod *Quod bruta bonum est nisi gratia adiuta nō eligit, malum ve-* animalia nō te per se eligit. Est enim in anima rationali voluntas naturalis, qua naturaliter vult bonum, licet *habet libe-* tenuiter & exiliter, nisi gratia iuuet: quæ adueniens iuuat eam, & erigit ut efficaciter velit bonū. *rū arbitrii.* *sed appeti-* *tū sensuali-* *tatis.*
Per se autem potest velle malum efficaciter. Illa ergo rationalis animæ potentia, qua bonum vel malum potest velle, utrumque discernens, liberum arbitrium nuncupatur: quod bruta anima non habent, quia ratione carent: habent tamen sensum, & appetitum sensualitatis.

De sensualitate.

F

Est enim sensualitas quedamvis animæ inferior, ex qua est motus qui intenditur in corporis sensus, atque appetitus rerum ad corpus pertinentiū. Ratio vero vis animæ est superior, quæ (ut ita dicamus) duas habet partes vel differentias, superiorē & inferiorē. Secundum superiorem supernis conspiciendis vel consulendis intendit: secundum inferiorē, ad temporaliū dispositionē conspicit. Quicquid ergo in anima nostra nobis considerantibus occurrit, quod non sit commune cum bestiis, ad rationem pertinet. Quod autem in ea reperis commune cum belluis, ad sensualitatē pertinet. Et ubi nobis gradatim in consideratione partiū animæ progrediētibus, primū aliquid occurrit quod nō est commune cum bestiis, ibi incipit ratio.

Hoc autē Au. docet in 21. li. de Trin. ita dicent: *Vi-Cap. I. in* dea mus ubi sit qualis quoddā hominis exterioris *pr. n. c.* interiorisq; cōfiniū. Quicqd. n. habemus in animo

com-

De ratione
qua habet
duas partes
quantum ad
officium.

commune cum pecore, recte dicitur ad exteriorē hominem pertinere. Nō enim solum corpus exterior homo deputabitur: sed adiūcta quadam vita sua, qua cōpages corporis, & omnes sensus viget,

Lib. de Tri- quibus instructus est ad exteriora sentienda. As-
12. cap. 3. in cēdēntib⁹ ergo introrsum quibusdam gradibus
principio. considerationis per animæ partes, vbi incipit ali-
Ca. 7. eiusdē quid occurere, quod non sit nobis cōmune cum
li. 12. de Tri- bestiis, ibi incipit ratio, vbi homo interior iā pos-
infine.

Ca. 14. eius- rationibus conspiciendis vel consulendis adhuc
dē ad prin. rescit, portio inferior ad temporalia gubernanda
Li. de Tri. deflectitur. Et illa rationis intentio qua contem-
12. ca. 12. ad platur aeterna, sapientię deputatur: illa vero qua
princip. bene utimur rebus temporalibus, scientiæ depu-
tatur. Cum vero differim⁹ de natura mētis huma-
næ, de vna quadā re differimus, nec eam in hzc
duo quæ cōmemorauimus, nisi per officia, ge-
minamus. Carnalis autem vel sensualis animæ
motus, qui in corporis sensus intenditur, nobis
pecoribusque communis est: qui seclusus est à ra-
tione sapientię, rationi autem scientiæ vicinus est.

*Quod talis est ordo peccandi, vel cadendi in nobis, qualis fuit
in primis hominibus.* G

Illud quoque pretermittendum non est, quod talis nunc in uno homine tentationis est ordo & progressio, qualis tunc in primis præcessit paren-
tibus. Ut n. eūc serpens malum suavit mulieri, ipsa que consensit, deinde viro suo dedit, sicque con-
sumatum est peccatum: ita & nunc in nobis pro

Despiritu- serpente est sensualis motus animæ, pro muliere
le coniugio inferior portio rationis, pro viro superior ratio-
viri & mu- nis portio. Et hic est vir qui secundum Apostolum
lieris in no- dicitur imago, & gloria Dei: & illa est mulier, quæ
bis. secundum eundem dicitur gloria viri. Atq; inter
hūc virum & hanc mulierem, est velut quoddam
spirituale coniugiū naturali⁹ contract⁹, quo su-
perior

or rationis portio, quasi vir debet præesse & domi-
nari: inferior vero, quasi mulier debet subesse & o-
bedire. Ideo vir secundum Apost. non debet habe-
re velamen, sed mulier. Et sicut in cunctis anima-
tibus non est repertum homini adiutorium simi-
lesibi, sed de illo sumptum, quod ei formaretur in
coniugium: ita & in partibus animæ quas cum pe-
toribus habemus communes, nullum menti no-
stræ simile est adiutorium. Vnde Aug. in eodem,
Illud nostrum, quod in actione temporalium tra-
ctandorum ita versatur, ut non sit in nobis com-
mune cū pecore, rationale est quidem, sed ex illa
rationali mente, qua subhæremus intelligibili, &
incommutabili veritati, tanq; ductum, & inferio-
rib; tractâdis gubernâdisq; deputatū est. Sicut e-
ním in omnib; pecorib; nō est inuentum viro ad
iutorium simile sibi, nisi de illo de tractum in co-
niugium formaretur: ita menti nostræ qua super-
nam consulimus veritatem, nullum est ad usum
rerum temporalium, quantum naturæ hominis
satis est, simile adiutorium ex animæ partibus
quas communes cum pecoribus habemus. Ideoq;
rationale nostrum nō ad unitatis diuortium se-
paratum: sed in auxiliū socieratis quasi deriuatū
in suo dispartitur officio. Et sicut vna caro est duo
rum in masculo, & in foemina: sic intellectum no-
strum & actionem siue rationē & appetitum ra-
tionalem, vel si aliquo modo significantius dici
possunt, vna mentis natura complectitur: ut sicut
de illis dictum est, Erunt duo in carne vna: sic &
de his dici possit, duo in mætrâ. Ecce ex his ver-
bis aperte intelligi potest, qualiter in anima ho-
minis existat imago illius coniugii, & qualiter in
singulis nostrum spiritualiter sint illa tria, scilicet
vir, mulier, serpens.

Qualiter per illa tria in nobis consummetur tentatio. H
Nunc superest ostendere, quomodo per hæc tria
Cæ in no-

*Aug. li. 12.
de tri. ca. 3.
in princip.*

Gen. 2. 18.

in nobis consummetur peccatum: ubi agnoscitur posse
terit, si diligenter intendatur, quid sit in anima
mortale vel veniale peccatum, ut enim ibi serpens
fuerit mulier, & mulier viro: ita & in nobis sensualis
motus cum illecebram peccati conceperit, quasi
serpens suggerit mulier, scilicet inferiori parti rationis,
id est, rationi scientie, quae si consenserit illecebre,
mulier edit cibum vetitum: post de eodem dat viro,
cum superiori parti rationis, id rationi sapientiae
eandem illecebram suggerit, quae si consentit, tunc
viro etiam cum foemina cibum vetitum gustat. Si
ergo in motu sensualitatum peccati illecebra te-
neatur, veniale ac leuissimum est peccatum: sive
vero inferior pars rationis consenserit, ita ut sola co-
gitationis delectatione sine voluntate perficien-
di teneatur, mulier sola manducavit, non vir: cuius
auctoritate cohibetur voluntas, ne ad opus usque
perueniat. Si vero ad sit plena voluntas perficien-
di, ut si ad sit facultas, ad effectum perducatur, vir
quocumque manducat, quia superior pars rationis ille-
cebre consensit, & tunc damnable & graue pecca-
tum. Quando autem mulier sine viro gustat, aliquam
doest mortale, aliquam veniale peccatum. Ut n. di-
ctum est, tunc mulier sine viro gustat, cum ita dele-
ctatione cogitationis peccatum tenetur, ut facienda
non decernatur: vel cum quida terminus & mensura
peccato adhibetur a viro, ut non licet mulieri ef-
frenata libertate in peccatum progressi. Si ergo pecc-
atum non diu teneatur delectatione cogitationis,
sed statim ut mulierem tetigit, viri auctoritate
repellatur, veniale est. Si vero diu in delectatione
cogitationis teneatur, & si voluntas perficiendi
detinatur, mortale est, & pro eo damnabitur simul vir
& mulier, id totus homo, quia & tunc vir non sicut de-
buit, mulierem cohibuit: unde potest dici consenserit
Repetitio summam perstringens.

Itaque ut breuiter summam perstringam quan-
do

do peccatum ita in anima concipitur, ut illud facere disponat, vel etiam perficiat aliud frequenter, aliud semel: vel etiam quando delectatione cogitationis diu teneatur, mortale est. Cum vero in sensuali motu tatum est, ut prædiximus, tunc leuissimum est, quia ratio tunc non delectatur. Ideo autem supra dixi aliud frequenter, aliud semel: quia quædam sunt, quæ si tatum semel fiant, vel facienda disponantur, damnant: quædam vero non, nisi sepius fiant, vel facienda decernantur: ut de otioso verbo, & huiusmodi. Hæc Aug. tradit ita. Sicut *Aug. lib. 123 de Trin. c. 18.* in illo coniugio primorum hominum serpens mā-
ducandum persuasit, mulier autem non mandu- *in princip.*
cauit sola, sed viro suo dedit, & simul mandu-
funt, ita & in quodam secreto coniugio, q̄ in uno
homine geritur & dinoscitur, cum rationi scien-
tiæ quæ in rebus temporalib⁹ agēdis ratio cinandi *Ibid. paulo
vivacitate versatur, animalis sensus ingerit quā- inferius.*
dā illecebrā, tunc velut serpēs alloquitur feminā.
Huic autem illecebræ consentire, de ligno vertō est
edere. Sed iste consensus sola cogitationis delecta-
tionē cōrēt⁹ est, superiori vero auctoritate ita re-
tinentur membra, ut non exhibeantur arma ini-
quitatis peccato: sic habēdū existimo, velut lignū
vertū mulier sola comederit. Si autem in consensu
illo ita decernitur quodq; peccatū, ut si sit potestas
etiam operē impleatur, intelligenda est mulier de-
disse viro suo similem edēdum illicitū cibum. Neq;
enim potest peccatū nō solū cogitādum suauiter,
verū tamē perpetradū efficaciter mente decer-
ni, nisi & illa mēbris intentio, penes quā summa po-
testas est mēbra in op⁹ mouēdi, vel ab opere cohi- *Ibid. c. 12.*
bēdi, male actioni cēdat. Nec sane cū sola cogita- *continuo.*
tione mēs oblectatur illicitis, nō quidē decernēs
esse facienda, tenēs tamē & volēs libēter, quēstatim
ut attrigerūt animū, respui debuerunt, negādū est
esse peccatū, sed lōge min⁹, quā si & opere statua-

Cc 2 tur

tur implendum. Et ideo de talibus quōquē cogitationibus venia petenda est, peccatisq; persecutendum, & dicendum, Dimitte nobis debita nostra: Neque enim sicut in illis duobus primis hominibus personam suam quisque portabat, & ideo si sola mulier cibum edisset illicitum, sola utrīq; mortis supplicio plecteretur, ita dici potest in homine vno, si delectationibus illicitis, à quibus continuo se deberet auertere cogitatio libenter sola pascatur, nec facienda decernantur mala, sed ramen suauiter in recordatione teneantur, quasi mulierem sine viro posse damnaire. Absit hoc credere: Hic quippe una persona est, unus homo est, totusque damnabitur, nisi hæc quæ sine voluntate operādi, sed tamē cum voluntate animū talib⁹ oblectandi, soli⁹ cogitationis sentiuntur esse peccata, per mediatoris gratiā remittātur. Idē quoq; de hoc eodem sic ait, Apostolus dicit: Secundum principem potestatem aeris huius, spiritus qui nunc operatur in filiis diffidentiæ. Nunquid ergo visibiliter eis apparèt, aut quasi corporeis locis accedit ad eos & operatur: Sed miris modis per cognitionem suggerit quicquid potest: quibus suggestionibus resistendum est. Non enim ignoramus astutias eius: Quomodo enim accessit ad Iudam, quando ei persuasit ut Dominum traderet? Nunquid in locis, aut per hos oculos ei visus est? Sed utique, ut dictum est, in cor eius intravit. Repellit autem illum homo, si paradysum mentis custodiat. Posuit enim hominem Deus in paradyso, ut operaretur & custodiret: quia sicut Ecclæsiæ dicitur in Canticis Canticorum: Hortius conclusus, fons signatus, quo utique non admittitur peruersitatis ille persuasor, sed tamen per mulierem decepit. Non enim etiam ratio nostra deduci ad consensum peccati potest, nisi cum delectatio mota fuerit in illa parte

*Aug. contra
Monichaos
non longe à
princ.*

*Li. de Gen. 2.
ca. 14. tō. 1.*

*Ephes. 2. a.
2. Corin. 2. c.*

*Vulgata e-
ditio habet
cognitiones*

*Ioan. 13. a:
Luce. 21. 6.*

*Genes. 2. a.
Cant. 4. d.*

parte animi, quę debet obtēperare rationi, tan-
quā rectōrī viro. Etiam in vno quoq; nostrū nihil &
liud agitur, cum ad peccatum quisq; delabitur,
quam tunc actum est in illis trib⁹, serpēte, mulie-
re & viro. Nam primo fit suggestio, siue per cogi-
tationem, siue per sensus corporis, vel viden-
do, vel tangendo, vel audiendo, vel gustando, vel
ol faciendo, quę suggestio cum facta fuerit, si cu-
piditas nostra non moueatur ad peccatum, ex-
cluditur serpentis astutia. Si autem mota fuerit,
quasi iam mulieri persuasum erit: sed aliquando
ratio viriliter etiam commotam cupiditatem re-
frenat & compescit. Quod cum sit, non labimur
in peccatum, sed cum aliquantula luctatione co-
ronamur. Si autem ratio consentiat, & quod li-
bido cōmouerit, faciēdum esse decernat, ab om-
ni vita beata, rāquam de paradyso, expellitur ho-
mo. Iam enim peccatum imputatur, etiam si non
subsequetur factum, quando rea tenetur in con-
fessione conscientia.

Quare haec de animæ partibus dixit.

K

Hæc de animæ partibus interseruimus, vt ip-
sius animæ natura plenius cognosceretur, & se-
cundum quam sui portionem in ea sit liberum
arbitrium intelligatur: scilicet secundum ratio-
nem, qua omne peccatum mortale geritur, sed
non omne veniale: illud scilicet, quod in solo mo-
tu sensualitatis existit.

*Quod sensualitas s̄epe in scriptura aliter quam supra accipi-
tur, scilicet, vt etiam inferior rationis portio eius no-
mine intelligatur.*

L

Nō est autē silentio præterēdum, quod s̄epe in
scriptura nomine sensualitatis, nō id solū in ani-
ma q; est nobis cōmune cū pecore, sed etiā inferior
portio rationis, quę tēporaliū dispositioni inten-
dit, intelligitur. Quod diligēs Lector in locis scri-
pturæ, vbi de ipsa sit mentio, vigilanter annotat.

Cq 3

R EDIT